



**Concello de
Oleiros**

BASES DE EXECUCIÓN

BASES DE FINANCIAMENTO DE PROGRAMAS DE COOPERACIÓN AO DESENVOLVEMENTO

EXPOSICIÓN DE MOTIVOS

A aspiración universal dos Dereitos Humanos proporciona, sen dúbida, a máis grande e xeneralizada contribución de fundamento ético para a cooperación internacional. E iso non sería pouco fundamento. Pero ademais, a crecente pobreza dos países subdesenvolvidos, a súa desestruturación interna, a súa quebra cultural e o rapidísimo desequilibrio ecolóxico que padecen, aféctanos gravemente. Por un lado, somos partícipes da responsabilidade do norte na prostración e miseria dos países do sur, pois o intercambio desigual da actual orde económica internacional permitiu a transferencia de bens e capital de forma tal, que os países pobres foron descapitalizados, quebrándose en moitos casos a súa propia base económica.

O nivel de consumo, o poder adquisitivo da moeda, a especialización no sector terciario, o avance da tecnoloxía, non poderían acadar no primeiro mundo as actuais cotas de desenvolvemento sen as materias primas, os recursos materiais, a enerxía, a man de obra barata e a transferencia neta de capital das tres quintas partes do planeta. A fabulosa e inxusta débeda externa que xungue e ata a economía dos países pobres, corresponde unha "débeda interna" que temos que comezar a recoñecer. A cooperación internacional é o inicio da devolución desa débeda social que temos contraída.

A cooperación ao desenvolvemento, como expresión do principio de solidariedade entre os pobos, ten como finalidade o apoio aos países menos favorecidos para o logro do seu desenvolvemento en forma sostida, continua e en harmonía co seu contorno ecolóxico.

Diversos organismos nacionais e internacionais recomendan ás administracións públicas que dediquen unha porcentaxe do seu orzamento con este fin.

O Concello de Oleiros fai seus estes principios coa seguridade de que a súa achega económica estea baseada, e aínda intenta fomentar, o sentimento de solidariedade da cidadanía oleirense.

TÍTULO PRELIMINAR

Obxecto da convocatoria

Artigo 1º

É obxecto das presentes bases, a regulación da concesión de axudas de cooperación ao desenvolvemento do Concello de Oleiros.

As axudas concederanse en función de proxectos concretos de cooperación, con cargo o crédito da aplicación orzamentaria 929.489.00

TÍTULO PRIMEIRO

Características dos proxectos

Artigo 2º

1.- Os proxectos presentados caracterizaranse por:



Concello de Oleiros

BASES DE EXECUCIÓN

- a) Que se realicen en países non desenvolvidos. A atención prioritaria centrarase en países de América Central, Latinoamérica, Cuba e África (Sáhara Occidental, África subsahariana, etc.), sen que isto impida o financiamento de actuacións noutras áreas do mundo (Asia, especialmente).
- b) Que os seus obxectivos se centren en áreas de saúde, educación, desenvolvemento, atención social, cultural, etc. e en actuacións que revistan certa permanencia ou estabilidade. Valoraranse o número de persoas que se beneficien da axuda.
- c) Que poidan beneficiarse destes a cidadanía en xeral, sen que se discrimine por razóns de raza, confesión relixiosa, sexo, etc.
- d) Que eviten a invasión cultural e respecten a idiosincrasia do pobo beneficiario e o seu medioambiente.

2.- Os proxectos ou unha fase deles desenvolveranse obrigatoriamente ao longo do exercicio en curso e poderán rematarse no seguinte.

TÍTULO SEGUNDO

Beneficiarios da convocatoria

Artigo 3º

O Concello de Oleiros poderá outorgar axudas a:

- Organizacións non gobernamentais de cooperación ao desenvolvemento (ONGD).
- Asociacións, entidades e organizacións con personalidade xurídica e sen ánimo de lucro (veciñais, ecoloxistas, xuvenís, sindicais, etc.) que estean ou non vinculadas, á súa vez a entidades de cooperación ao desenvolvemento.
- ONG de países non industriais do Terceiro Mundo ou de países en vías de desenvolvemento que contén cun interlocutor válido (representante acreditado) ante a Administración municipal.
- Entidades locais de países non industriais do Terceiro Mundo.
- O Fondo Galego de Cooperación.

En todos os casos acreditarase a personalidade xurídica da entidade solicitante.

Artigo 4º

Quedan excluídas destas axudas as entidades gobernamentais de cooperación.

TÍTULO TERCEIRO

Requisitos para a presentación de proxectos

Artigo 5º

Para poder solicitar estas axudas, as asociacións e organizacións deberán cumprir os seguintes requisitos:

- a) Estar legalmente constituída e acreditar un mínimo de dous anos de experiencia na execución de programas de cooperación ao desenvolvemento.
- b) Ter entre os seus fins a realización de actividades de cooperación e o fomento da solidariedade entre os pobos.
- c) Dispoñer da infraestrutura suficiente para garantir o cumprimento dos seus obxectivos.



Concello de Oleiros

BASES DE EXECUCIÓN

d)Estar ao corrente das obrigas contidas nos artigos 13 ao 17 das presentes bases, respecto ás entidades que recibiron subvencións en anos anteriores.

TÍTULO CUARTO

Prazos e documentación que se ten que presentar

Artigo 6º

As entidades que participen na presente convocatoria terán que presentar:

- Copia dos Estatutos polos que se rexe o funcionamento da entidade, no seu caso.
- Instancia modelo – tipo (Anexo I) cos datos da entidade peticionaria.
- Proxecto concreto de actuación, indicando o lugar e a área en que se desenvolverá, a poboación á que vai dirixido, con relación de medios, orzamento xeral, cantidade que se solicita e modo de xustificación.
- Resumo do proxecto de actuación (Anexo II da presente convocatoria).
- Declaración na que conste o compromiso de achegar a diferenza directamente ou por financiamento de terceiros, entre o custo total do proxecto aceptado e a axuda ou subvención concedida.
- Breve memoria da experiencia no campo da cooperación con especial referencia ás actividades desenvolvidas nos dous últimos anos (de conformidade co sinalado no artigo 8).
- Certificación da entidade en relación ao cumprimento dos requisitos sinalados no artigo 5º.

Artigo 7º

Os proxectos e o resto da documentación, presentaranse no Rexistro Xeral do Concello de Oleiros a partir da publicación extractada destas bases nun diario dos de maior tirada na comunidade autónoma galega. Estas estarán a disposición dos/das interesados/as na Alcaldía do Concello ou no enderezo www.oleiros.org.

O prazo para a presentación de proxectos será o establecido na publicación en prensa.

TÍTULO QUINTO

As prioridades na concesión

Artigo 8º

Para a concesión destas axudas teranse en conta os seguintes condicionantes:

En relación á asociación peticionaria:

- a)Ter a capacidade de mobilizar a solidariedade e os recursos privados, así como conseguir subvencións doutros organismos. Para iso, presentará o balance dos dous últimos anos, especificando as subvencións recibidas, o seu orixe e a súa contía, así como os recursos propios xerados.
- b)Posuír experiencia contrastada en accións de cooperación ao desenvolvemento.
- c)Ter capacidade para soste as accións subvencionadas. As organizacións deberán achegar un informe e un organigrama dos recursos humanos con que contan, especificando as características da súa vinculación e dedicación, así como as relacións máis significativas que manteñan con outras organizacións locais, estatais ou estranxeiras.

En relación co proxecto:



Concello de Oleiros

BASES DE EXECUCIÓN

- a) Que contemplan medidas de discriminación positiva cara aos sectores de poboación máis desfavorecidos.
- b) Que se leve a cabo, sempre que sexa posible, coa participación da poboación afectada polo proxecto. Neste sentido valoraranse os proxectos que -a curto ou medio prazo- teñan previsto a súa continuidade con medios materiais ou humanos propios.
- c) Que adopte modelos de desenvolvemento integral da zona en cuestión e se realice baixo o marco de programas de desenvolvemento comunitario, potenciando o desenvolvemento de organizacións locais.
- d) Que non se orixine ningún prexuízo ecolóxico.
- e) Que sexan proxectos de dobre fluxo, de forma que o beneficio humano e cultural sexa mutuo. Cabe incluso a posibilidade, que deberá reflectir o proxecto, de realizar exposicións ou outras actividades referentes ao obxecto da cooperación en Oleiros.
- f) Que potencie a cultura e os valores étnicos da poboación afectada así como a riqueza natural e os valores ecolóxicos da zona de actuación.

TÍTULO SEXTO

A concesión de axudas

Artigo 9º

Para a concesión de axudas contarase cun informe previo emitido por unha comisión composta por:

- O alcalde, quen presidirá a Comisión.
- O/a representante do Concello de Oleiros no Fondo Galego de Cooperación e Solidariedade.
- Concelleiro responsable de Cooperación

A citada Comisión será asesorada pola secretaria xeral, o interventor xeral e un técnico/a designado pola Alcaldía. As solicitudes serán resoltas pola Comisión de Goberno antes do remate do exercicio en curso.

Excepcionalmente e nos casos de catástrofes, calamidade pública ou situacións extremas de determinadas poboacións, poderase facer unha achega extraordinaria con cargo a estes fondos, co informe previo da comisión, e mediante o seu ingreso integro nas contas recoñecidas para o efecto.

Artigo 10º

Unha vez estudados e informados os proxectos recibidos, outorgaranse as axudas que se consideren oportunas, co límite máximo do crédito orzamentario dispoñible, facéndose efectivo de inmediato o pagamento do 60% da cantidade concedida ás asociacións ou entidades beneficiarias. O 40% restante farase efectivo unha vez xustificada a realización total do proxecto. Se a xustificación non acadase o 100% do proxecto, a axuda liquidarase en proporción aos gastos xustificadas. Nos casos en que a axuda solicitada non cubra o custo total do programa, deberá constar o compromiso por parte do petionario de achegar a diferenza, ben directamente ou por financiamento de terceiros.

Artigo 11º

Poderá dedicarse ata un máximo do 5% do total da axuda concedida a gastos de preparación, secretaría, xestión, etc. Non poderán ser incluídos no obxecto das axudas desprazamentos de membros das ONGD aos países beneficiados das accións. Non se apoiarán proxectos que no momento da solicitude de axuda estean xa finalizados.



Concello de Oleiros

BASES DE EXECUCIÓN

Artigo 12^a

O importe das subvencións ou axudas en ningún caso poderá ser de tal contía que, illada ou conxuntamente con outras subvencións ou axudas doutras administracións públicas, entes públicos ou privados, supere o cen por cento do custo total da actividade para a que se concedan.

TÍTULO SÉTIMO

Xustificación e realización dos proxectos

Artigo 13^o

En todos os casos xustificárase a axuda recibida coa presentación dunha memoria que describa o traballo realizado e o estado actual do proxecto obxecto de intervención.

Artigo 14^o

Xustificáranse os gastos realizados con facturas orixinais, copias contrastadas ou - no seu caso - con documentos que acrediten o uso dos fondos concedidos, antes do remate do exercicio.

A Xunta de Goberno poderá ampliar este prazo, a instancia de parte, en consideración a factores propios do desenvolvemento dos proxectos financiados polo Concello de Oleiros.

Artigo 15^o

O non cumprimento da xustificación implicará a súa inhabilitación para a percepción de novas axudas, sen prexuízo das accións legais pertinentes.

Artigo 16^o

As actividades que as entidades beneficiarias se comprometan a realizar en Oleiros, tal como se recolle no artigo 2^o teranse que executar dentro dun período máximo de doce meses a partir da concesión da axuda. Para iso e para calquera outra actividade de divulgación dos proxectos, o Concello de Oleiros colaborará cos medios de que dispón (publicacións, prensa, etc.)

Artigo 17^o

As organizacións beneficiarias de axudas comprométense a devolver o importe das cantidades recibidas se os gastos non se levasen a cabo por calquera causa ou se modificasen substancialmente os proxectos subvencionados.



**Concello de
Oleiros**

BASES DE EXECUCIÓN

ANEXO I

ASOCIACION-ENTIDADE –CIDADE QUE SOLICITA A AXUDA:	
ENDEREZO:	
TELÉFONO:	FAX:
CORREO ELECTRÓNICO:	
CORRESPONSAL-CONTACTO EN OLEIROS-GALICIA:	
ENDEREZO:	
TELÉFONO:	CORREO ELECTRÓNICO:
DNI:	
CIF DA ASOCIACIÓN:	
ANO DE CONSTITUCIÓN:	
NÚMERO DE MEMBROS:	
FORMA ADMINISTRATIVA DESTA:	
OBXECTIVOS XERAIS DA ASOCIACIÓN:	



**Concello de
Oleiros**

BASES DE EXECUCIÓN

Nº DE REXISTRO DA ASOCIACIÓN
(nacional, rexional ou local)

ANEXO II

FICHA IDENTIFICATIVA DO PROXECTO

PRESENTA A PROPOSTA:	
ENDEREZO:	
TELÉFONO:	FAX:
1.-PAÍS BENEFICIARIO:	Nº BENEFICIARIOS directos/indirectos
2.-LOCALIZACIÓN NO PAÍS:	
3- SECTOR DE COOPERACIÓN:	
4.- PERÍODO DE EXECUCIÓN: desde //..... ata/...../.....	
5.- TÍTULO DO PROGRAMA OU PROXECTO:	
6.- ORIXE DO PROXECTO:	
7.- INSTITUCIÓN RECEPTORA:	
8.- OBXECTIVOS DO PROXECTO: .../...	
9.- DESCRICIÓN DO PROXECTO: .../...	
10.- ACTIVIDADE E CALENDARIO:	
11.- XUSTIFICACIÓN DE GASTOS:	
12.- CONTRIBUCIÓN DO RECEPTOR:	

- Nº DE ANOS DE CONCESIÓN DESTAS AXUDAS DO CONCELLO DE OLEIROS.....
- DATOS BANCARIOS COMPLETOS ONDE DESEXA RECIBIR A SUBVENCIÓN NO CASO DE CONCEDERSE (datos do titular, nome completo do banco ou caixa, enderezo completo da sucursal, e código completo da conta(código IBAN)).....

SINATURA E SELO